

JO. PAVLLI KRESSII D.
PROBLEMA JURIDICVM
VTRVM JOSEPHVS
FVERIT DARDANA-
RIVS

VVLGO:

Don


Josephs Hornhandel.



EDITIO II.

ANNO MDCCXXXV.







SVMMARIA.

- §. I. *Cur problematis vox adhibita ostendit, & quomodo medius incedere quis possit inter dogmatifinum & scepticifinum.*
- §. II. *Etymologiam sistit satis dubitanter, cum nullibi de Dardano certa extent, sed traditioni tota relatio debeatur.*
- §. III. *Communiem definitionem exponit laudato Domino Strykio, quod hic ipsum contextum adduxerit, interim propria definitio rejicitur ad §. 7.*
- §. IV. *Hinc interserit questionem de moralitate, concludens impingere emtores contra leges amoris non justitie.*
- §. V. *Rationem reddit cur crimen peculiare e vitio factum in civitate, adjiciens rationes differentie.*
- §. VI. *Græcorum, Romanorum, Judeorum & Germanorum instituta vel exponit circa rem frumentariam vel remissive tractat.*
- §. VII. *Tandem exhibetur definitio propria, cujus singula verba examinantur. . Addita simul excusatione cur non ad certam classẽ relatus Dardanariatus.*
- §. VIII. *Speciem facti auspicatur inspersis variis observationibus.*
- §. IX. *Venditio coemtio frumenti, uno verbo κρηόμενον referatur.*
- §. X. *Additamentum de coemtione salvat, Philonemque notat.*
- §. XI. *Iosephum accusat.*
- §. XII. *Eundem defendit & a crimine & ab inhumanitate immunem commonstrat.*

§. I.



Roblematis Juridici mentio fit in nostræ Dissertationis frontispicio. Constitutum enim nobis est per modum quæstionis Juridicæ frumentationem Josephi expendere, relicta cuivis aliter sentiendi, & alia omnia credendi libertate. Vocarunt vero veteres hoc scriptionis genus *πρόβλημα*, siquidem passim apud oratores præcipue Ciceronem simili ratione differentem, Thema sermonis hoc Titulo insignitum conspicitur. Exinde tamen minus recte quis argueret, nos forte ipsos hæc ancipites ac incertos, quid de nostro tandem argumento pronunciandum sit. Etenim media via inter Scepticismum & Dogmatismum incedere animus est, cum sine vitio horum neutrum sectari liceat. Qui priori se addixerunt parum tuto rebus agendis, imo & calamo tractandis ea propter adhibentur, quod solis dubiis nati, nec quæ maxime expediant in actionibus eligere, nec quæ rationes tandem rationis examen ferant definire norunt. Mille vias consulentibus recludunt, mille vias iisdem præcludunt, ultimum responsum, si principiis inhærent, eo redire soler, quod perinde sit, cui quis insistat itineri. Scite de his *Clericus*, tomo 9. *Bibliot. chois: une Republique des Scepticiens ne vaut guere mieus, qu'une republique des Athees.* Dogmatismus vero eo non placet, quod hic sectarios faciat, quod urat & secet, si quis tantum non cosentit quod manifesto ad superbiam Scholasticam ducat, quasi oracula essent Sybillina & divinæ veritates dicta hominum. Vti Scepticismus nec sibi nec aliis prodest: ita hic & sibi & aliis nocet. Sed hæc alterius meditationis sunt. Illud optimum philosophandi genus videtur inter discordes sententias diligenti

genti cogitatione unam eligere, quid aliis respondendum sit, dispicere, verosimilitudinibus cum ratione inventis æque firmiter ac geometricis regulis credere, aliis dictorum & factorum rationem reddere posse, subinde tamen serio putare, nos esse homines, & alios esse homines. Hinc propria meditamenta non habenda pro unicis & solitariis, non aliis obrudenda. Quod enim Manilii dictum est: Neque decipitur ratio, nec decipit unquam, illo non abutendum, ut nos in veritatis cognitione remoretur, aut statim de cruta veritate, ubi eruta nondum est nos prave securos reddat. Igitur credimus quidem, certi sumus quidem, sed fieri posse, ut dies diem doceat, persuasi simul sumus. Juris collectoribus potissimum in suo studio hæc tenenda via est, & LL. rite percepturo hæc itentidem inculcanda. Nititur Jurisprudentiæ regulis interpretandi, regulæ interpretandi notitia hominum, observationibus politicis, historicis, chronologicis, &c. hæc omnia conjecturis. Quod cuivis patet qui maxime acutissimorum Ictorum scripta inter se confert. Itaque hic multa creduntur, & licet cum ratione credantur, creduntur tamen, non sciuntur. Quivis debet eo allaborare quidem, ut verum & genuinum sensum e veterum lacinis eruat, & merito non prius acquiescere, nisi apud se persuasus sit de meditationum veritate. Neutiquam vero herculeos labores sustinet sapiens, ut alios quoque in suam sententiam pertrahat. Pro Problematibus pene multa habet, quo modestiæ laudem mereatur, quo calcar sibi addat, ulterius meditandi & in veritate progrediendi.

§. II.

Scinditur Dissertatio sua sponte in bina capita, quorum primo de Dardanariis agetur, secundo vero de expositione facti Josephi suscipietur tractatio. Primum post alios

multa eruditione & doctrina jam abunde videtur examinatum esse a Jurisconsultissimo Stryckio, ut existimare posset lector præter describendi copiam nobis in argumento nil esse relictum, sed ni fallor dicenda facile ostendent, quod multa adhuc superfuerint in spicilegio modum observanda, ut ni præoccupatus sit animus, nobis vitium a Monzambano non citra acrimoniam Germaniæ Juris Doctoribus improbratum, nemo impingere possit. Vnde sit Dardanarii appellatio inter eruditos non magis convenit quam de patria Homeri. A mago ut plurimum ratio nominis accersitur; ita enim tantum non in omnibus compendiis habetur: *Dardanarius ab antiquo Dardano dicitur insigni mago, qui in cantationibus agrorum sterilitatem, annona caritatem plus vice simpliciter introduxit.* Sed unde natales traxerit, quæ gens homini, quæ domi lares, id hætenus ex iis, quos evolvere datum est annotavit nemo. Dicis quid obstat, quo minus hominem Trojanum fuisse dicamus, nil enim frequentius apud Maronem quam Dardaniæ, Dardanidum, Dardani &c. nomina quando de Trojæ incolis sermones cædit. Enim vero tota hæc merx suspecta est eruditis decoxerunt figmenta Virgillii, si quam habuere fidem, cessat equi Trojani & aliorum portentorum admiratio, imo tota historia Dardanidum in mendo cubare, & multis fabulis inquinata esse putatur. Illud insuper lepore non caret, quod Magiæ criminis deferatur fictitius noster Dardanarius, quasi incantationibus, præstigiis & carminibus opus sit ad coemendum, aut suppressendum frumentum, quasi alia dementia, quam avaritia cepisset homines, qui omnia corradunt. Ast talia legentem apud glossatores admiratio non subit, si cogitet, fuisse ævum aliquando, quod magica secula dicere licebit, quo, ut cum comico loquar: ad magiam itum est, si vitium vel crimen non alii rei obtrudi poterat. Sic notum patrum

trum adhuc memoria, quo virulentius debeati Lutheri factis
 iudicium ferre possent impudentissimi adversarii, de nati-
 vitate eius multa magica protervo ausu commenti sunt. Cu-
 jacijs, quem magnum juris civilis vatem, ipse hoc nomine
 insigniendus, alicubi dixit Slevogius noster ad Sidonium
 Apollin. curiosos ablegat, cujus hæc leguntur libro 5to epi-
 stolarum epistola Apologet. ad Aquil. cum in Constantino
 constantiam, in Jovino facilitatem, in Gerontio perfidiam
 & singula in singulis, omnia vero in Dardano mago crimi-
 na simul execrarentur. Sed quid inde? Loquitur de avo
 suo Sidonius, cujus ævum ad Constantini filii imperium re-
 fert, qui occisus dicitur a Gerontio in Galliis ad Viennam,
 si Flavio Blondo habenda fides, vel ad Aquilejam, si cre-
 dendum est de Strata, jungit huic & Constantino Dardanum
 magum, ut suspiceris hunc avo suo coætaneum fuisse adeo-
 que juniorem multo, isto ad quem Doctores in Dardanari-
 atus historia excurrunt. Neque ullum robur de mago com-
 mento accedit perlocum Clementis Alexandrini qui in pro-
 tremt. p. 10. edit. Sylburg. dardani comminiscitur, aut Ter-
 tulliani qui in de anima libro cap. 57. ex edit. Rigalt. inter
 absurdarum opinionum de statu animæ post mortem auto-
 res Dardanum magum recenset. Ille enim admodum du-
 bitanter loquitur & saltim fabulas noxias effinxisse Dardanum
 ait, non magiæ nomine male audiisse. Hic vero nec Au-
 ctorem, qui suum magum novisset, laudat, nec de auto-
 pſia testatur. Itaque nil certi de Dardanariatus Etymologia
 adferere licet, cum satis locuplete teste destituamur in hi-
 storia Dardani. Jejune prorsus sunt, quæ apud Hesychium
 extant voce δάρδαρος. Dardanus inquit vir quidam pater Dar-
 dani. Confer Thes. Gruterian. cui varios scriptores inseruit.
 Extat ibidem, fuisse Dardanum non saltim magum practi-
 cum sed magiam in formam artis redegisſe, scripsisse enim
 ingens

ingens volumen de technis magicis, & ne dubites, producit quidam Democritus qui lectione hujus libri non obiter defunctus, plura inde hausisset, quibus se contra incantationes munire potuisset, sed quot omni ævo non circumlatæ sunt fabulæ?

§. III.

Communitè describi solet Dardanariatus, quod sit crimen extraordinarium, quo annona tentatur, vexatur, &c. sed consultius facturum se existimavit illust. Stryckius de Dardanariatu, si ipsa textus verba l. 6. D. de Extraord. Cognit. loco definitionis substerneret. Rerum enim moralium essentia non minimam partem ab arbitrio imperantis & lege dependet: uti essentia creaturarum a Deo, hinc omnium maxime solide de criminibus judicamus, si Legibus, si voluntate Legislatoris fili ariadnæ loco utimur. Primâ controversiæ oritur circa extraordinarii vocabulum, cum enim Lex Julia de Annona coerceat annonæ flagellatores, videtur inconcinne dici, quod iidem extraordinarie delinquant. Variæ responsiones per traducem ad nos propagatæ sunt, accuratior ceteris æstimari solet, quod Lex Julia ad civitatis annonam respiciat, nostra vero lex annonam reliquam vid. Theod. Pract. Crim. h. l. Addas & hoc: antiquissimis temporibus ordinariū crimen dicebatur, cujus causa peculiaris magistratus constitutus erat, quorsum referri vides, læsæ Majestatis, ambitus, peculatus & repetundarum crimina quibus de in tres superaddidit Sylla, Sicariatum, vim & crimen falsi, Pomp. L. 2. §. 32. de O. J. extraordinaria itaque erant reliqua omnia. Enim vero cum hæc differentia esset meri arbitrii populusque juris sui tenacissimus, non credendum est, quod non sibi reservaverit potestatem, occasione & circumstantiis sic suadentibus, vel quoque solo bene placito sic inspirante, de omnibus omnino extra ordinem poenas

nas sumendi. Sic in Milonem Pompejus extraordinem animadvertere jussit, & quæstionem Domitio Ænobarbo demandavit, licet jam duo Quæstores de Sicariatu constituti essent. Idem sane obrinuisse sub Imperatoribus, quivis rerum humanarum gnarus concludit. Præcipue si cogiter, ordinem judiciorum imo omnia fere instituta, non facilius mutationem pati, quam ubi unus summa rerum potitur. In cæteris enim regiminum formis sæpe ob dissensum & partium studia, quæ semel majoribus quondam placuerunt immutata persistunt. Illud saltim inde observes velim, quantam objectionem, quod scilicet annonæ vexatio extraordinarium & ordinarium crimen simul dici non possit, parum in recessu habere, cum criminum, uti aliorum Entium moralium essentia non æternæ sint, aut se habeant ad instar numerorum quod de rebus creatis olim dixit Pythagoras. Vide Burnet. in Archæologia. Minimum, quæ praxin omni controversia carere licet, est enim omnium criminum hodie coercitio arbitraria & a Principis suspensum est arbitrio, cui judici committere cognitionem, & quomodo secundum regulas prudentiæ punitoriæ delictum coercere velit. Quot modis committatur noster Dardanariatus, disquirat illust. Stryckius loco citato, sed quæ hic ulterius observare liceret jam a scopo aliena sunt. Nobis enim de Dardanariatus singulis speciebus, & iis præcipue, quæ controversæ videntur agere constitutum non est. Sed binas insigniores selegimus, scilicet annonæ coemptionem ab aliis, & asservationem seu suppressionem ejusdem, quam in nostris horreis collegimus, neque enim Josephus (¶ 1. 6. d. §.) falso pondere & mensura usus est, neque omnium mercium propola fuit. Sed circa factum ipsius unice de coemptione & suppressione, disquirere fas est. Plenam tamen definitionem formabimus postea.

uti non libeat, dicere non possumus, nisi alia prius discussa sit quæstio. Ita ægre non feret lector, quod quædam Dissertationi de explicatione definitionis videat inter seri.

§. IV.

Sed in quo consistit criminis nostri illegalitas, seu ut schola loqui solet quæ ejusdem moralitas? Non enim sufficit solidioris scientiæ amore semel capto ingenio, verborum apparatus, aut acerba & contumeliose investiva oratio. Distinctius nosse cupit, in quam moralitatis Legem, factum aliquod impingat & cujus disciplinæ practicæ sit ostendere ejusdem a recto tramite aberrationem. Cetero quin enim facile eo dilabatur, ut credat consuetudini & educationi debere unice imaginarium horrorem, qui incauti animum devexat, qui scrupulus ei injicit ac ab insuetæ actionis susceptione deterret. Non eadem omnibus honesta seu *περὶ νότον* cogitat cum Nepote ulterius; mos regionis est.

Quem penes arbitrium est & jus & norma loquendi

Enim vero non Triplos hic consulendus, aut fictitius Thymbræus Appollo, binis potissimum officiis, quicquid homo homini debet, absolvitur, ut afficias proximum bono, ut caveas, ne a te inferatur eidem malum. Illud amoris ac sanioris Ethicæ summa ac scopus, hoc vero naturale jus inculcat, sine eo ad summum societatis bonum non pervenitur, sine hoc frustra suscipitur omnis summi mali cura aut medela. Ad illud præceptis, monitis, præcipue exemplis atque excitationibus evocamur, ab hoc prohibitions, minæ, interdicta & pœnæ nos arcent. Renunciandum est Juri cuicunque, aliquid dandum imbecillitati humanæ, prioris regula jubet. Posteriori satisfacimus, si jus nostrum etiam rigorose exequimur, secundum illud Ulpianicum (l. 24. §. fin. l. 26. de damno infecto) Qui rei suæ insistit nemini facit

cit injuriam. Sed cui usui hæc omnia inquis. Imo in nostra quæstione magno. Dardanarius sua curat, sua servat, suo jure utitur, aliorum jura non involat (neque de iis, qui falsis mensuris utuntur loquimur) justo pretio acquirit frumentum alterius, quod vero habet proprium, illud in quodam loco negligere interdum maximum esse lucrum putat. Vult sibi secundum Legem civilem & hæredibus suis contrahendo prospicere, Ethnicismum sapere & abnegationi fidei non absumile esse dicit, nulla posteritatis cura angi, non recondere aliquid in ejus gratiam. Contra prohibitiones, interdicta & sanctiones pœnales, tantum abest, ut nitatur, ut potius omne studium in eo locet, ut sustineat & abstineat. Cum damno rei familiaris enim conjunctum esse, aliis per petulantiam insultare, exacte experientia magistra novit. Ergo justitiam non violat, sed sæpe inter concives justus dicitur quia promissum pretium solvit, & ab injuriis sive contumeliis, ad divitias acquirendas nullo modo proficuis, sibi temperat. Ast idem ille Dardanarius, an juri suo renunciat, an imbecillitati humanæ aliquid dat, an amoris dulcissimi magistri, monitorum, præceptorum, excitationum &c. memor est? imo non. Si Livium manibus volvit, verum esse credit, famen ultimum humanorum supplicium esse, sed si famelicus forte ipsi occurrit, credit, quod vestes lacerae sint præmium ignaviæ, quod hic damnum sua culpa sentiat, adeoque damnum sentire ipsi non videatur. De libertate commerciorum multa commemorare scit, in medio posita esse diligentiae brabea, ætate colligendum cum formica, ne sit hyeme pereundum cum cicada. Quis per mare per syrtes gratis curret, quis manebit sub Jove frigido, teneræ conjugis immemor, quis laborabit, quis mercabitur, inquit ejusmodi homo, si lucrandi occasio præcisa, si res alienæ non nisi minutim emendæ, si in futurum usum

non sine piaculo asservandæ propriæ. An ideo fertilis assiduo tibi ager renovatur aratro, ut eos, qui numerus sunt, & fruges consumere nati sagines? An ideo incedis macilentos laboribus corpore, quo crassius alteri abdomen gerere liceat &c. Quamvis vero nullo modo vaniloquentia delecter, id tamen ex dictis deduco, quod Dardanariatus inter gentes non sit crimen, quod in libertate naturali nec invadendi, seu belli, nec ad arbitrium provocandi jus concedat. Rationem vidimus abunde, quia non lædit jus alterius, quia saltem inhumanitas est. Apertius dico: qui in Leges amoris peccat, non criminis, sed vitii se reum facit. Imo in civitate, quia imperans ceteris paribus, eximperfecti juris vel ut rectius effertur ex amoris & obligationis internæ regulis parentibus obligatur, ab imperante quoque crimen hoc non committitur, cum demum civili prohibitione accedente crimen fiat. Licet DEVS, qui summa benignitas est, non permissurus sit, ut rex immisericors inultam ferat avaritiæ stultitiam. Secus vero videtur dicendum, si pactis speciatim circa hoc negotium conventum inter civitatis membra & caput, si rex peculiaria, ut sic loquar, capitula promiserit, tunc enim naturalis justitiæ crimine se obstringit. Sed inquis sufficit generale pactum quod in quavis civitatis origine supponendum. Imo non, ut taceam plurium civitatum primam originem veluti in puteo latere, illud constat, quod multæ jure victoriæ cœperint, ubi sane sat libera potestas victori relicta. Insuper notandum est, quod vi pacti generalis se obliget saltem princeps ad bene recte gubernandam rempubl. generatim, quod defensionem ab eo expectare debeant. Non singuli actus describuntur, sed istos secundum prudentiæ & amoris leges suo arbitrio expediendos æque sibi reservat, ac privatus quisvis. Principi minimum non denegandum, regulariter quod privato conceditur.

§. V.

Enimvero in bene constitutis civitatibus temperatur, uti reliquarum actionum, sic & emendi vendendique libertas. Præcipue vero rerum quotidiano usui inservientium cura occupat principem. Eminent sane inter has frumentum, cujus penuria, quæ damna inferat, quas turbas det, notius est ex historia imprimis Romana, quam ut hic exponatur fufius. Differentiæ ratio tam in proclivi est, quam imber quando pluit. Licentiam omnia, quo tempore, quo pretio, quo loco, qua copia lubeat, emendi vendendive præcipue frumentum, obrinere dixi inter homines singulos segreges, inter diversos populos, inter caput & membra ejusdem reipubl. eandem vero nunc inter concives rejicio. Sparsim habitantium sane si expendas vitæ rationem, si monumenta historica consulas, acquisitione rerum ad vitam simpliciter tuendam necessariorum eadem absolvitur. Commercia cessant inter eos propter deficientes exportationes & multorum vitam otiosam. Rarior de caritate annonæ querela est, longe alii mores, quam in civitate. Si quæ vitia regnant, sunt fere vis, mutui insultus, amor commoditatis, neutiquam vero subtiliores avaritiæ technæ. Ne quis unus, præcipue ratione divitiarum, præ ceteris excellat, ut olim libertatis Græcicæ, sic libertatis hujus καὶ ἐξουσίᾳ sic dictæ fundamentalis Lex est. Recordare nostros majores, evolve scriptores græciæ antiquæ, & hæc non gratis fingi, ultro videbis. Sed harum gentium vitam, quis libertati naturali valde ad finem fuisse, neget? Itaque superflua esset de crimine Dardanariatus inquisitio. Neque, ut omittam reliquos, Tacitus iniquus cætera & severus morum Germanorum censor, vel analogum ullum hujus observavit. Si ad integras gentes pergis difficilior adhuc conceptu est Dardanariatus. Si enim gens gentem non vi excludit a commercio gentis, sed provida rerum futurarum, ne-

cessaria sibi parat, frumenta sibi recondit, non erit gens alia
 tam stupida ut non sine propriæ ignaviæ nota, iniquitatis ar-
 guat hujus industriam. Dein fruges, circa quæ crimen com-
 mitti dicitur, vel nascuntur apud gentem Dardanariatus in-
 cusatam, vel apud nos, vel apud gentem tertiam. Sin illud;
 vocantur facile, qua merces alias repressalia in subsidium,
 vel itur ad alias gentes. Sin fruges apud nos nascuntur; no-
 bis imputandum erit, si pecuniæ acquirendæ vesano amore
 occæcati vendimus aliis, ob quorum carentiam, postea cum
 fame colluctamur. Sin ultimum contingit, nobis etiam in-
 tegrum erit, idem periculum tentare, eandem viam inire &
 indigentiae nostræ prospicere. Sane status nostri miseriam
 deplorare debemus, quod debito modo non de pecunia, qua
 ad emetiendum iter opus est, solliciti simus, sed quam ex ipso
 fonte aquam bibere poteramus, non citra tædium & incom-
 modum e turbidis rivulis hauriamus. Igitur quacunque rem
 perpendam ratione, non video, quid me moveat, ut ficti-
 tio (ita enim dicendum vulgare gentium jus) juri gentium
 caput denuo assuam, vel ipsius fimbrias dilatam. Ab Impe-
 rantibus hujus rei, in multis locis nil timendum, vix enim
 qui τὸ κύριον gerunt præsentia curant; de futuris prorsus secu-
 ri, imo plerique omnem mercatum despiciatui habent, & si
 secus quid accideret, ipsi subditi sibi vigilant, & aliunde ad-
 vehant, si id non factum, tempore caritatis annonæ gratias
 agant Principi, quod solus extiterit industrius. Minimum si
 coactio illicita absit, si reliqua gubernandi ratio sibi constet
 & in usum civium dirigatur, non invidеbunt Patri patriæ
 prudentiores, si suo exemplo subditos cautius mercari do-
 ceat. Alia longe ratio est concivium, hic sæpe ingens mul-
 titudo arctissime cohabitat, plerisque ex opere quotidiano
 vivendum, paucis positi in fœnore nummi, raro crescente
 pretio rerum crescit operariorum merces: itaque merito iis
 sub-

subveniendum est, ne quorundam avaritiæ veluti sacrificen-
tur. Accedit, quod omnia vilius emantur, quæ per pauco-
rum manus tradita ad nos perveniunt, unde cavendum, ne
tot veluti personæ intermediæ existant frumenta comparan-
tes. Ex eodem fonte fluit sapientissima Lex patria articulo 7.
tit. 6. Lib. 3. Juris Lubecens. *Ein etusommender Gast mit
seinem Gute in dieser Stadt/ der kan dasselbe niemand
anders/ denn unsern Bürgern verkauffen.* vid. Mev. in not.
n. 17. ubi de hujus constitutionis defraudatione & defraudan-
tium pœna. Datur profecto sæpius ignavum & turpe pecus,
quod insigne onus existimat, vel manu laborare, vel alia ho-
nesta opera aliis inservire. Hinc ad coemendum victum,
frumentum præcipue dilabitur, quod exiguæ industriæ est, sed
magnum aliis detrimentum affert, ipsi Principi noxium. Nam
hi propolæ lucro suo, quod ad ipsos ex illicito contractu re-
dundat, idem sane agunt ac si novum vectigalis genus exco-
gitassent a frumentis exigendum. Igitur omni nisu eo alla-
borandum, ne permittatur, tale quid, quo habeant cives, un-
de tributa ad Reipublicæ sustentationem necessaria solvere
possint. Præcipue hæc quadrant ad civitates, quarum agri
vel ipsi frumenta suppeditant, vel quæ a proxime vicinis
asportatum emere solent. Etenim in illis, quæ non nisi ma-
gnis sumptibus per longinquum & periculosum iter advecto
frumento utuntur, diversitas quædam observanda. Hic enim
tantum abest, ut ditioribus mercatoribus vitio dandum sit
ejus ingentem vim comparasse, ut aliter necessitati publicæ
consuli nequeat. Id tamen hic danda est opera, ut ipsi ad-
vehentes vendant & pro possibili pessimum hominum genus,
quod vernacula dicitur *Höcken* appellare solet, eliminetur & ab-
sit. Subsume ex dictis quod non semper requiratur intentio,
aut dolus ad crimen nostrum, eadem enim sæpe damna pa-
titur respubl. si quis ingentes frumentorum acervos condu-
xit

xit bona fide, quæ passura fuisset, si avaritiæ malignus, affectus idem fuisset ausus. Itaque unice requiritur effectus annonæ caritas & raritas, quæ si non sequitur, humani fori non est solum dolosum animum punire, quippe Deus interna judicat. Quisque suos patimur manes & sua quemlibet cepit dementia, quam plerique non nisi cum vita ponimus. Idcirco non citra deletionem humani generis concipi potest omnium navorum violenta abolitio: sed vitia proh dolor! erunt donec erunt homines. Ast objicis: an ergo eadem culpæ, quæ doli pœna. Resp. id non sequitur ex allatis. Scilicet facile concedo, in pœna infligenda circumstantias esse expendendas, quis sit Dardanarius, quæ ejus indoles, quo proposito ad coemptionem vel suppressionem accesserit. Id saltem volo, ad criminis constitutionem, proæresi non esse opus, uti nec ad provocandum jussu Magistratus vendendi frumenta. Neque vero novum est plurium factorum moralitatem solo, ut sic loquar, excessu absolvi. Publica igitur salus suprema lex esto, quacunque ratione offendatur, obviam eundum, modo interdicta, vel jussa exitum fortiri possint, neque emendatio interna per modum Legis postuletur, sed actiones externæ suo sensu arbitrariæ & reipubl. noxiæ corrigantur. Sed equis neget, Dardanariatum talem esse? Paupertate quidem magistra multa laude digna didicisse Macedones Curtius autor est, fame autem magistra nescio an ad virtutem plebs manu ducatur. Præcipue si famem, quorundam malitiæ accepto ferendam intelligit. Hinc recte male-suadam appellat Horatius.

§. VI.

Vidimus nunc rem frumentariam secundum regulas philosophiæ moralis in diversis statibus & quid in singulis circa eam reperiat justis: licebit paucis addere, quæ gentium celeberrimarum in suis civitatibus instituta fuerint.

Agmen

Agmen, salva præcedentiæ vanitate, ducant Græci. Hi in plures republ. fere nunquam non scissi fuerunt, ut universim nil temere de eorum Legibus dicendum videatur. Politissimi Athenienses Solonem Legislatorem laudant, de cujus sapientia multus apud authores sermo, non quod scriptis inclaruisset aut inani theoria, sed quod artem imperandi proprio exemplo docuerit, ac cogitaverit, famamque extendere factis hoc virtutis opus. Plutarchus in vita ipsius refert hanc Legem: τῶν δὲ γιγνομένων διὰ δέσιν πρὸς ζῆντος ἐλαίου μόνον ἔδωκεν i. e. fructuum ad externos exportationem oleo excepto non indulgit. Demosthenes mentionem injicit τῶν νόμων τὰ ἔσχατα ἐπιτίμια προστεθεικότων, ἔτις οὐκ ἂν ἀθῆνῃσι ἄλλοι πᾶσι πηγήσῃ, ἢ εἰς τὸν αἰττικὸν ἐμπόριον h. e. Legum ultima supplicia statuentium, si quis civium Atheniensium alibi frumentum evehat, quam in portum Atticum. Unde fuit nec post deductionem in emporium curam rei frumentariæ abjecisse Athenienses & crimina permisisse, cæteroquin Leges citatæ frustra fuissent & sine usu, quas tamen ab utilitate commendat Lycurgus citatus Meursio in Themide Attica. Asperior erat Lacedæmonum genius & inculrior vitæ conditio, rigidis enim statutis Lycurgianis temperabatur eorum Republ. Hic vero non frumentarium saltim, sed omne commercium cum pulvisculo quasi rejecerat in sua politica. Mores quidem inde emolliri, sed fortitudinem simul decrescere ratus. Nil exportari, nil importari debebat, ne vicinorum levitas ulla ratione inficeret severitatem Spartanam. Auri & argenti nullum erat pretium, sine quibus vix concipiuntur mercaturæ. Imo aperte edixerat Lycurgus: ἔτε ἔμπορος ἐσθὲν εἰς τὴν σπάρτην Mercator Spartæ ne infit & alibi, hoc legitur ejus: χρηματίζεσθαι αἰσχρὸν σπαρτιάτῃ i. e. Turpe Spartano homini quæstum facere. Propius tamen nos tangit eorundem Lex alia ὅς ἀπαγορεύει μὴ δένασθαι τῶν ἐν τῇ πόλει σιτον πλείον

πεντηκόντα φόρμων συνωνεύσθαι. i. e. quæ prohibet ne cui in civitate liceat plus quam quinquaginta corbium frumentum coemere. Ecce hic Dardanariatum veluti in incunabulis suis suffocatum. Plura vide apud Nicolaum Cragium insertum tomo 5to antiq. Græcæ. Gronovian. quos celeberrimi Danzii nostri benivolentia inspicere licuit. Neque segniores extitere Romani, non saltim fraudes ac suppressiones frumentorum diligenter præcavebant: sed mature cœpit coemptio publica, leviori pretio facta venditio, successerunt & largitiones, unde tessera frumentaria cujus meminit Lex 4ta §. 1. de Legatis 2. Qui mos diutius duravit sub Imperatoribus Constantinopolitanis. vide plura & erudita apud Jacobum Gottofredum ad varios titulos Codic. Theodof. de frument. de Annonis per integrum volumén sparsos. Addatur Petrus Erodus R. Jud. lib. 9. Titul. 4. Manut. de Legibus Romanis ad Leg. Jul. Annonæ. Antonius Augustin. ad eand. insertas Tomo primo antiquitatum Romanarum Grævii. Multam lucem quoque affundunt rei frumentariæ Guilhelmus Contarenus libello de frumentariis largitionibus in defensionem Bembi contra Lipsium conscripto B. Struv. Diss. de Annon. In legibus divinis non prohibetur hoc crimen, neque vero Judæorum status id exigebat. Vita simplex & agrestis, quam Græci & Romani barbaram dixere, non novit Dardanarios cuius sat agri erat, unde videbatur stultum frumentum coemere absque spe cum lucro vendendi. Igitur divisione agrorum sapientissimum Numen prospexerat malis, quod cum Romæ fuisset neglectum, post inanis sæpe quæsitæ annonariæ penuriæ medela. Successu tamen temporis, cum a prisca morum simplici integritate deficeret gens Israelitarum, (inprimis mutato populari ac æquali statu in monarchicum) sufficientiæ amor deferbuit, & succrescens luxus peperit artes luxum alendi. Tædium subibat itaque frumentum ad vitam

tole-

tolerandam, & quotidianum saltem usum coemisse, lacescat animum desiderium ditescendi, nec non cum alterius damno lautius & delicatius comessandi, frequentes ideo leguntur apud prophetam Amos querelæ de flagellatoribus Annonæ vid. cap. 5. v. 11, cap. 8. v. 6. imo jam ad Salomonem Dardanarii suum genus referunt, dicit enim: Qui frumentum superprimit, ei maledicunt homines. Proverb. cap. 11. v. 26. Videtur tamen nihilominus neque his temporibus publica lego pœna statuta in annonæ vexatores, sed mansit eos saltem commune hominum odium. Turpe habitum fuit, & cum existimationis diminutione conjunctum, convehere superfluum frumentorum copiam, de crimine nil legitur, aut exinde data accusatione publica, & nescio sane annon plus effectum hac occulta coercitione, quam deportatione atque aliis pœnis, quas minatur Lex Romana. De antiquorum Germanorum institutis jam supra binis verbis monitum, quid obtinuerit.

§. VII.

Sed in viam tandem, post longiorem digressionem. Quæres forte, cur tam longe abiverimus, age dicam: Quæstio an quis Dardanarius, an crimen committat emendo frumenta, supponit præjudicium aliud, in quo statu vivat, verum hic, si ullibi: duo cum faciunt idem non est idem. Itaque distinctius paulo, demonstranda fuit moralitas, & exactius docendum a quo perpetratur. Quod cum aliis inquirere non placuerit, nos idcirco ipsis quoque sua reliquimus meditata, nec serviliter eadem adorantes, nec scabiose & contra decorum traducentes. Si igitur quod in alium statuit quis jus, eodem & ipse uti, non possit tantum, sed debeat, pace aliorum Dardanariatum, quatenus nostræ cogitationi illum subjecimus, describimus, quod sit crimen a subdito contra laudem dignissimam prohibitionem

civilem; ne plus emas, ne plus afferves, quam opus ad proprium usum frumenti commissum, sive dolo, sive culpa, modo fiat, eo tempore, eove loco ubi annonæ caritas inde sequitur. Non refero in ad ullam classē, in quas Romani crimina describunt, cum Jurisprudentiæ nostræ criminali parum accedat, decedatque, sive noscas, sive ignores. Reliqua definitionis verba superius dicta defensabunt. Paucis addo, nolo mirari, cur crimen dixerim, quod dolo vacare potest. Cogita prius facta quæ ad crimina lex Aquilia refert, cogita tot Leges prohibitivas alias, e. g. Legem Gallicanam quæ immobilia vatar legare clero, prius quam mihi litem intendas ne incidas in pœnam temere litigantium. Constabunt sibi dicta facilius, si insuper & illud credis Beyero ad D. h. t. quod hodie solum ad venditionem cogantur propolæ, non rigidis aliis pœnis vexentur, quod sufficere omnino videtur in facto interpretationis maxime ambiguae & pro cuius excusatione a committente non spernendæ rationes adferri possunt. Cui vero competit curam frumenti gerere, venditionem injungere & quandoque pretium definire? Cum par in parem non habeat imperium, sine dubio comperat superiori. Licet enim Respubl. eo saltem introductæ videantur quo cives a mutuis insultibus abstineant & quiete vivant. Sæpe tamen non potest concipi quomodo finem feliciter assequi liceat, nisi præter actionum, rerum quoque directio principi concedatur, cum multæ actiones ita rebus veluti innexæ sint, ut frustra sit, qui eas coercere præsumit, ni jus suum Leges ferendi & ad res extendat. Hinc scriptores juris naturæ in doctrina de majestate separato ac peculiari capite, de potestate Principis in bona subditorum exponunt. Nimia itaque fuit hactenus quorundam Imperii & Dominii oppositio, cum tamen, licet illud in rebus terminetur, hoc vero personas respiciat, sano sen-

fu in principe intime conjuncta sint & sic habes explicatio-
nem verborum : *contra prohibitionem civilem*. Sed anne idem
dicendum de Magistratu inferiori ? Resp. Distinguendi hic
sunt præfecti a senatorum collegiis. Illi nudo ministerio de-
funguntur, nec ullo modo jus sibi aliquod competens in
Jure dicundo arrogare possunt, sed omnino dependent a
principe, imo cum vita personæ omnis precaria potestas po-
ni solet. Hinc si cum principe litigant, (cum quo vero li-
tigabunt alias circa exercitium hujus Juris ?) ultro herbam
porrigunt, non ad præscriptionem non ad alium titulum
provocare ausi. Enim verò corpora Senatorum, cum mul-
ta suo veluti Jure possideant, cum licet principi sub sint, ma-
jori nihilominus præ cæteris libertatis specie effulgeant, &
distinctum quodammodo a rationibus principum censeatur
ipsum patrimonium, quandoque privilegio, præscriptio-
ne pactis & cetera muniuntur, ut sine consensu principis
rem annonariam necessariis institutis temperare possint. An
hic contrarietur an subscribat Lex civilis non curo. quia no-
stræ urbes fuere ante cognitum usum Legum Romanarum:
Est tamen secundum communem opinionem usus earundem,
si non liqueat speciatim e pacto vel consuetudine. quid di-
cendum de hujus vel illius municipii statu. Vid. omnino
Dn. Thomaf. de diff. Magist. secund. LL. germanicas. An pro-
hibita coemptione frumenti farinæ coemptio prohibita ? vi-
detur quod noneo quod statuta sint strictæ interpretationis,
jam verò stricto significato nusquam legitur frumenti voca-
bulum pro farina sumptum : sed sana ratio quæstionem af-
firmat, quia sana ratio consulit regulas interpretandi, quæ
omnes actus e causa impulsiva explicandos & ita exponen-
dos. monent, ut ne frustranci sint.

§. VIII.

Pergamus nunc, viso jure, ad factum Josephi. Mul.

ta in ejus vitæ curriculo observatu digna occurrunt, sed an-
 notemus pauciora in spicilegii modum. Præ ceteris dilige-
 batur a parente Jacobo, quia genitus erat ab eo jam in se-
 nium inclinante ætate, ut refert sacer codex. Erat natus
 e dilectissima conjuge Rahele cum fratre germano unico Ben-
 jamin, affabilis ingenii & elegantioris formæ, educabatur
 inter filios ancillarum & cum illis degebat, matris forte con-
 filio, ceu non inepte observat Salian. in Annalib. Eccles. ob
 similitudinem cum progenitis e Leah. Solet enim inter libe-
 ros idem effectus se exserere, quem aluerunt parentes aut
 matres: ita quippe natura comparatum est, ut non solum
 nobis, sed proxime agnatis & magis uni e parentibus illata
 injuria lacescamur. Neque fallitur, qui ex eodem fonte de-
 ducit, quod addit Moses, ipsum detulisse ad Jacobum, si
 mala fama esset contra fratres. Illud enim nemo, nisi ne-
 gotiorum humanorum ignarus: negabit, quod Leaithica
 proles delicta mutua potissimum hoc sensu compensaverit,
 quod semper altera tacepte, altera tacuerit. Hinc Joseph
 jam patri in deliciis arrepta hac occasione, quod ipsum de
 gestis fratrum instrueret, de die in diem favorem magis sibi
 pignorabat, non sine bile ac indignatione illorum. Id quo-
 que, quia homines sumus, quia hominum gesta in sacris
 etiam legimus credere non possum, quod meras indubitas
 veritates, retulerit Joseph, quod nil de suo addiderit, nul-
 lius veritus sit odium, nullius ambiverit gratiam, superant
 hæc pueri, licet bonæ indolis, captum. Nescio dein, an
 egregie factum sit, quod Jacob illum peculiari & pulchra
 veste distinxerit a reliquis fratribus. Verum illud tandem
 odium, sub favilla delitescens, ardentissimis flammis arma-
 bat, quod circa futuram gloriam prædicta non secum ani-
 mo volveret ac venerabundo silentio custodiret, sed non
 sine ægritudine fratrum palam eloqueretur. Satis sane, ni
 fallor,

fallor, fuisset, in sinum patris effundere hæc divina arcana, & in silentio ac spe eventum expectare. Ast sic erat in factis. Constituerat scilicet divina providentia Josephum per varios casus, demum per tot discrimina rerum, & non uno saltu, in altum evehere, ne forte quicquam suæ virtuti ac industriæ deberi existimaret. Itaque nunc prospera & magna quævis per somnium suggererat, nunc suggesta confirmabat, sed nunc quoque cum animum, more nostro i. e. hominum se ea propter efferre animadverteret, occultabat auxilium, quo efficacius priorum conaminum vanitatem cognosceret & divinæ potentiæ solum fideret Joseph. Tempora tamen cum maxime nubila essent, divinæ gratiæ intermicabat radius, quo ad oculus demonstraretur eidem, quæ DEUS prædestinavit, nullis hominum machinationibus sufflamini posse, ludere in humanis divinam potentiam rebus, præcipue sub hoc schemate. quod intellectum per afflictionem dare soleat, quod ad culmen elevet, quæ lapsui ac præcipitio proximos se credunt, in imum deturbet, qui jam fastigium se tenere putant. In hunc ergo finem, eripiendus erat fatali casu dulcissimis parentis amplexibus noster, & relinquendus odio fratrum in fovea. Suæ potestatis esse hi autumabant, quid vellent de eo statuere, quo supplicio afficere, quo denique mortis genere ipsum convincere, quod figmenta ipsi illulissent, per somnium, quod vana, quæ hactenus crepuisset, vaticinia essent. Tandem media placebat via & patri salvum remittere, levis nimis, occidere plane, gravior ultio videbatur. Vendebant idcirco Ismaelitis, ut a conspectu submoveretur, ut desineret nuncios perferre patri & molestus ipsis esse. Benignior quidem fortuna initio excipiebat illum in Ægypto, præfecto enim militum Poriphari venditus, rei domesticæ præficiébatur, & plusquam vicaria potestate amplissimam familiam gubernabat. Nimis tamen

tamen matura adhuc erat gloriæ instantis cogitatio, cum præterita calamitates, præ ea, quæ nunc ingruerat, non nisi præludia dicenda essent. Mox enim attentatæ pudicitiz falso delatus in carcerem detrudebatur, periculo vitæ expositus. Cum miser juvenis remotus a suis, remotus a parente, non haberet, cujus implorare posset auxilium. Regio erat ignota, delictum cujus incusabatur grave, magnus & multæ autoritatis minister, offensus, callida conjux in necem ipsius attentata. In hac luctuosa rerum facie quis dubitet Josephum sæpe putare: nunc conclamatum est peccata tua in causa sunt, quod DEUS quæ olim revelavit bona, nunc denegat indigno. Aliter nihilominus omnia eveniebant. Enascebatur inopinata occasio colloquendi cum viris principibus, captivis quidem ad tempus, sed quorum mox unus liberabatur. Non saltem vero colloquendi, sed gratiam ac favorem promerendi opportunitas apparebat. Videbantur quidem nec hæc sufficere, cum ob sat commune ingrati animi vitium beneficii oblivisceretur præfectus pincernarum, sed instabat destinata DEI hora. Hinc ipse rex nil tale cogitans, indigebat opera Josephi & invitus quasi captivum in libertatem asserere, & inter aulæ procures assumere cogebatur. Si mente semel adhuc singula intueris, facile in hac anacephaleosi observabis sapientissimas DEI castigationes. Deferebat Joseph fratres, deferebatur & ipse, imperandi desiderio vexabatur, sed prius ipsi serviendum erat. Viso somnio vix horulæ spatium e lecto surgens expectare poterat quin annuntiaret cum tædio audientium, qualem se futurum judicare deberent, verum plus quam simplex lustrum transmittendum erat, antequam bono Josepho contingeret, quod ante fores esse opinabatur. Singulæ quæ accidebant calamitates, singulæ passionum medicinæ, imo non sufficit, singulæ non tam calamitates erant, quam minora bona, per quæ

quæ, ipso numine obsecundante gradus, ad majora bona scandeat. Duplex lucrativa causa, quam circa eandem rem Justinianus noster admittere noluit, hic in eadem calamitate conspirat. Bina sane lucra, emendatio interna & gloria non vanæ satietas. Insuper id observatu quoque non indignum, quod plerique nostri affectus sibi ipsis impedimento sint, quo minus ipsis satis fiat & quo minus ipsi exsaturentur. Jacob amabat suum Josephum, idem amor dubio procul conjunctus erat cum desiderio diutissime & oculos & animum gratissimo hoc objecto pascendi. Sed idem amor inspirabat consilia scopo prorsus contraria. Josephum præ reliquis magni faciebat, polymita tunica vestiebat, censorem fratribus & observatorem præciebat. Jurasset Jacob, quodsi horum unum omisisset, se credere quod Josephum non amaret debito modo. Sed rectius jurare potuisset, quod vel horum unum sufficeret ad perdendum Josephum. Verbo igitur, nos amamus simul & non amamus. Imo, quia contrariorum eadem ratio, nos odio habemus simul & non habemus. Amare, si modo rectius instituta nostra examinamus, credimus esse, rem amatam eo modo habere & tractare, quo majus inde capiamus delectamentum, non quo diutissime servetur & conservetur. Odio habere esse putamus ea inferre, quæ nobis sunt parum grata, utut alteri intellectum dent & saluberrima sint. Ast hæc obiter.

§. IX.

Sequuntur quæ propius dissertationem nostram respiciunt. Josephus e carcere dimissus accersebatur in aulam, ut somniorum interpret esset, felicissime munus hoc exquebatur, Pharaoni non saltim distincte & perspicue exponens, quis sensus somnii, sed quo tempore prædicta secutura, quid consilii capiendum, quo majus malum avertatur. Sanè con-

D

tra

tra naturam vatum de turba, qui plerumque dubie & ambigue respondent, ut quicumque accidat eventus, suam artem mendacem defendere queant. Quidam tradunt Josephum primum fuisse, qui somniorum intelligentiam condidisset, sane exsertis verbis hoc dicit Justin. libro XXXVI. cap. 2. Imo eo progressa est effrenis curiositas, ut definire voluerit, quibus regulis Josephus usus sit. Hinc legis hæc apud Grotium in commentario ad hunc locum: per vacas anni significantur, ut est in oniro critico Asaph Setha, item in Achmete cujus verba sunt cap. 239. ex Ægyptiorum regulis boves fœminæ ad tempora pertinent, & si pingues sunt tempora fœcunda significant: Sin exilia & tenuia sterilitatem temporum. Illud extra dubium, quod de re frumentaria in usum Pharaonis comparanda Josephus, quid sentiret exposuerit, quodque cogitata hæc re ipsa executus sit. Omnia eo redeunt. Dicit Pharaoni quod bifarium & duplex schema per somnium suggestum certissimam & brevissimo tempore instantem annonæ caritatem portendat, sive quod exili & macro solo ob nimiam siccitatem ac pluviarum deficientiam, Nili inundationibus carendum foret, sive ob aliam quamcunque causam. Hinc sua sponte fluere, quod non otiosum esse deceat regem, eligendum esse, citra multam procrastinationem, virum genuinæ politicæ & rerum oeconomicarum apprimè gnarum, qui mature eo cogitationes intendat, quo omni generis frumento tritico præcipue horrea distenderentur. Et ne quis consilium hoc carpere possit quasi saltem defectum indicaret & defectui medendum esse generalissimo sermone moneret, qui tantum non ordinarius consiliorum nævus esse solet, ecce! distinctius quid agendum commonstrat. Scilicet moris esse, sicuti in finitimis rebus publicis, in ægypto, ut singulis annis decimæ persolverentur a subditis pro sustinendis reipubl. oneribus, hortandos nunc esse, ut duplicatas of-
fer-

ferrent, neque id oneri ipsis fore, cum fertilissimæ sint futuræ messes. Insuper vili pretio comparari posse a rege, quæ frumenta vel exportarentur e regno vel alias venui essent. Placet regi mire consilium & perspicuitate & utilitate se commendans. Tanta vis congeritur annonæ, tanti convehuntur acervi scriptura agente, ut non semper exacte in rationum liberis singuli modii perscriberentur, cumque Josephum autorem agnosceret institutum, is rei œconomicæ cum plenissima potestate præficitur. Additur ipsius nomini, pro more tum regibus usitato, aliud *Psomtompharech* quod teste Philone explicatur: Per judicem in responsionibus. *Ἐρμηνεύεται ἐν ἀποκρίσει σώμα κελύων*. Thalamo jungitur filia summi sacerdotis, quo magis extra invidiæ & insidiarum tela locaretur, ope viri, summæ venerationis apud populum, & primæ admissionis apud regem suffultus. Incidunt finitis septem annis tempora cara, largissimum & uberrimum sulcis semen committitur, sed parciore ac exilis inde proventus, nec quamvis laborioso & avido parent arva colono, nec votis ipsa seges respondet avari agricolæ &c. ut poetæ dictum est. Primo anno non audiuntur querelæ compensante fertilitate proxime antecedentis hujus sterilitatem. Accedit, quod minus jucunda, & difficilis res videretur Josephi tanquam exteri auxilium implorare. Verum quicquid agerent secum animo, quasunque suggereret pudor invidiæ mixtus objectiones, caritas non mutatur, multum feritur, pauxillum metitur, horreum deficit, fames urget. Seponendi itaque affectus & stimuli ambitiosæ dissimulationis suppressendi, venter caret auribus, adeundus est novæ annonæ præfectus Josephus, odiosum multis nomen. Sed qualem hic se gerit? An tesseras dispensat quibus Romanorum: *liberalitas* inscripta? Imo neutiquam. Initio quidem se invenisse putabant Ægypti, quod puer non in faba, sistebant se supplicibus libellis regi, rati, quod dulcius ex ipso

fonte bibantur aqua. Enimvero rex potestatem de annona statuendi Josepho commissam caussatus, ad eundem supplicantes ablegabat, addito severo jussu, quod faciendum foret, quicquid hic daturus esset in mandatis. Cum eo venirent annona quidem ipsis sublevandæ fami non denegatur, verum argento parato venditur, non donatur gratis. Transigitur sic annus & quod excedit, verum cum commercia & liber. com-
meatus quoque jacere soleant, si annonæ penuria, nervus rerum gerendarum tandem deesse Ægyptiis cœpit. Frustra videbatur denuo ad regem accedere velle : itaque confestim ibant ad Josephum, similes expostulationi querelas fundentes, quod ipsis fame pereundum, idque eo saltem, quod non amplius pecunia instructi essent. Sed huic mens immota manet, lachrymæ funduntur inanes, jubet, quia nummus deficiebat, adferre pecora, admittitque eos ad flebile debitorum beneficium dationis insolutum. Facile cogitari potest, quod pecorum quoque greges non adeo numerosi essent, quod si enim agri hominibus non suppeditant alimenta & frumentum, in pratis etiam parce scœnum colligi solet. Nutritur scilicet homo & brutum a communi matre terrâ cujus novæ-
calem affectum omne animal experitur. Accedit & hoc, quod eo tempore, ubi agri & pratorum sterilitas communis, exiguo pretio pecora vendantur. Hinc etiam vix anno datis pecuniæ loco pecoribus fames tollerabatur. Cum itaque calamitas non finiret, lamentabili agmine rursus pergebant ad Josephum, mobilibus se nunc carere ultro fatebantur, agros tamen adhuc adesse steriles nunc quidem, sed placato numine pingues denuo futuros & feraces, hos se offerre, colonorum jus & vitæ conditionem humillime sibi unice expetentes, verum & hoc unius anni gaudium, consumpto frumento quid restabat? Libertas, res, si habes unde vivas, inæstimabilis quidem, sed cui tempore necessitatis facile pretium definitur.

Igitur & hæc res omnium clarissima, cum alio emptionis pretio Ægypti destituerentur tradebatur Pharaoni. Inde circa finem septimi anni ager Ægyptiorum factus erat ager Pharaonis, incolæ homines proprii. Reddebantur quidem precario, sed cum onere, quod decimæ geminatæ, saltem per septennium fertilitatis extra ordinem exigi solitæ, nunc inter ordinaria tributa censi debent.

§. X.

Continentur ni fallor singulæ facti circumstantiæ in facris, ut præter brevissimam periphrasin nil ingenio debeat. Sed frontem contrahis, nec citra acerbitem ita in me invehis : frustra tentas hominibus imponere historiæ divinæ corruptor, an sine falsi nota adserere potes, Josephum frumentum, coemisse, vel, ut coemeret Pharaoni fuisse autorem. Vbi vola aut vestigium in Genesi ? Non tantum si detrahitur narrationi sed præcipue, si quid eidem assuitur in veritatis leges committi potest. Ast salva res est, in autorem non injuri sumus, si ex adductis ab eo circumstantiis aliquid omisum conjecturemus, sin idem suppleamus, cum & in historico studio turpe sit, videre saltim, quod ante pedes est. Jam vero cogita paulisper, rex Pharaeo scriptura ajente collegit septennio fertili quintam frugum partem post ingruente annonæ difficultate integro fere septennio non tantum Tanitici regni incolis, sed vicinis quoque gentibus affatim frumentum prospexit, an suffecisse credis partem quintam, licet procerum quoque horrea paucos quosdam aluerint. Provocas hic quidem ad raram agri Ægyptiaci fertilitatem quam satis loquitur Romanorum historia adeo ut si non unica præcipua certe fuisse videatur, annona crescente illorum apotheca. Vnde singularem hujus provinciæ curam gesserunt Imperatores, imo Augustus cum provincias cerneret inter triumviros collegas hanc speciatim suæ curæ esse volebat. Ad-

dis Plinii libr. 18. cap. 21. histor. nat. Triticum, inquit, nihil est fertilius : hoc ei natura tribuit, quoniam eo maxime alebat hominem, utpote cum e modio, si sit aptum quale in Byzancio Africae campo, centeni quinquageni modii reddantur. Misit ex eodem loco divo Augusto procurator ejus ex uno grano (vix credibile dictum) quadraginta paucis minus germina extantque de ea re Epistolae. Misit & Neroni similiter 360. stipulas ex uno grano. Cum centesimo ex Leontini Siciliae campi funduntur, alique e tota Boeotica & imprimis Aegypto. Sed transeat prior responsio. Haec omnia novum telum in te suppeditant torquendum, age enim ! credam in tui & Plinii gratiam centesimos fructus Aegyptum fundere : verum credas velim & iis, quae supra laudatus Justinus adfert, scilicet edicto regio a Pharaone fuisse cautum, ne fertili septennio ullum frumentum exportaretur, neque enim rationem video, cur ceteris paribus in hoc argumento major sit habenda fides Plinio, quam Justino. Accedit, quod hic nil dicat Justinus historiae Mosaeicae contrarium. Nunc instituamus computum : Aegyptii sub rege suo ex singulis uberrimis messibus octogesima e centesimis frugibus retinuerunt, nec enim ob regium interdictum exteris vendere licuit, nec tamen ultra annum annonae seditiam ferre poterant : Pharaonem autem collegit per provincias regni saltim vicesimas & nihilominus eodem Pharaoni, non primo saltim anno, ut incolis, sat frumenti erat, verum & integro postea subsecuto sexennio & sibi, & subditis & vicinis panem subministravit. Non puto e te delabi, ut urceolum viduae hic voces in subsidium : ceteroquin enim disputationi cederem, cum frustra verba conferantur cum homine citra rationem per miracula disputanti. Itaque haud gravatim concedas mihi Pharaonem magnam partem superflui frumenti a subditis coemisse, ubi enim superfluum alius mansit, dic mihi. Sic me non dimittis, sed

te rem acu tetigisse nunc exclamas, emisse scilicet Aegypti proceres plurimum istius frumenti quaso unde hoc constat? nulli apparent proceres in Mose, quorum horrea spicis repleta fuissent, ut sibi & aliis potuissent sufficere. Suavia somnia sunt, quæ Philo ἐν τῷ βίῳ πολιτικῷ quem Josepho nuncupavit, recenset. Frumentationem enim hujus viri ita describit, vel rectius ita eum consilium exposuisse Pharaoni fingit. *Sed mihi numen quoddam suggerit (sic habet versio Hæschelii) quod in tantis malis salutem asserre queat, urbium regionumque gravissimus morbus fames, cujus vires oportet frangere, ne nimium auctus incolas deleat. At quomodo succurrendum est huic periculo e septem annorum fertilitate, quod supererit satietati hominum, hoc est quinta pars reponatur oppidatim vicatimque non transportando fruges alio longius, sed ubi demetuntur, asseruando in usum ejus loci hominum, eas fruges censeo, cum suis manipulis contendas, nec trituras nec purgatas, quatuor de causis. Quarum una est, ne citius vitientur nudata suo tegmine, altera ut per singulos annos renovetur pristina copia memoria, rusticis triturantibus & fruges eventulantibus. Tertia ne inire possit frumenti numerus, dum incertum est, quantum spica manipuli que contineant, ne animus colonus deficiat reputantes quantum absumptum sit, sed securitate non minus, quam cibo se sustineat. Spes enim alie cum primis grava penuria malum sublevans. Quanta causa est, ut jumentis condatur pabulum, quibus ariste paleaeque purgamenta frugum proderunt. Ea cura committenda est cordato probatoque, qui possit sine invidia reprehensione hoc consilium exequi tanta dexteritate, ut nihil populo de fame futura suboleat. Durum est jam ante agris animis spem in futurum adimere. Sane hæc legentem subiit recordatio brevis, sed acutæ annotationis, quam illustri THOMAS MASIVS ineptæ exegei seu glossæ ad istud Virgilii.*

Ferte cito flammæ, date vela, impellite remos, subnectit. Scilicet nescio quos tropos, quasve figuras scho-
liastes

liastes singulis verbis inesse multa pompa contendebat, his addidit vir laudatissimus: jurares de his ineptiis nunquam cogitasse Virgilium, cum versum scriberet. Vix credere auisim, accommodatius quid dici posse de nostro Philone, quam quod quilibet rem exactius perpendens juraturus sit, de his ineptiis non cogitasse Josephum, cum consilium daret. Neque vero infrequens est Philoni, historiam non describere, prout gesta est, sed prout gestam in futuræ speculationis usum desiderat. Quod Lucretius suum opus agere, non scribere historiam, scite dicit. Imo in causa extitit hic cætera eruditus Judæus, quod quidam patrum allegorico sensui plus justo indulserint, præcipue Origines & Cyrillus Alexandrinus. Graviter de eo Photius: *in libris ipsius dicendi vis ac venustas apparet, peccat tamen Philo non raro in ideis transmutandis. & paulo post: arbitror ab hoc omnem scripturæ sensum allegoricum promanasse. vide Bibl. Phot. 278. edit. Stephan. in ipsa historia Josephi, ne dubites de exemplo, scripturæ contradicit, dum asserit, Josephum, nemini fata sua in Ægypto exposuisse, ne quidem summo pincernæ. Hujus contrarium disertis verbis extat cap. 40. v. 15. Genes. Ratio fictionis Philonicæ erat, quo de silentio, de patientia secundum ideam suam Platonicam (vide Phot. cit. loc. in fin. ubi ita: aut Plato philonizat, aut Philo platonizat) vanas speculationes incautis vendere possit.*

§. XI.

Constat igitur, nisi me omnia fallunt, nostræ relationi de Josepho sua veritas, nunc expendamus, an Dardanarius dici mereatur. *verb. Leg. 6. ff. de ext. criminibus sunt. Annonam attemptare, & vexare vel maxime Dardanarii solent: Quorum avaritia obviam itum est, tam mandatis quam constitutionibus. Mandatis denique ita cavetur. Præterea debetis custodire ne Dardanarii ullius mercis sint, ne aut ab his; qui coemptas*

emptas merces supprimunt, aut a locupletioribus qui fructus suos æquis pretiis vendere nolunt, tum minus uberes proventus expectant, ne annonæ oneretur. Reliqua nos non tangunt. Age conducamus hac thesi omnia, quæ Josephum arguere possint. Sed paucis tamen antea ad objectionem respondebimus, mirum nempe poterat alicui cui videri, quod legem adduxerimus civilem, cum supra aliter Dardanariatum definire placuerit & sic tacite a lege recessum sit. Verum hoc neutiquam concedimus nunquam recedimus a *Lege* obdicta §. 3. *init.* supplevimus saltim subjectum activum uti schola loqui amat, modum quomodo committatur, omnino e *Lege* debita veneratione haurimus. Igitur si legem consulimus apparet, quod Dardanariatum incurrat, qui annonam vexat & attemperat. Verum hoc nimis generaliter dicitur, quid ergo est vexare annonam? Ita quidem creditum olim, quod caritas præstigiis debeat, unde apud Varonem excandescere, incendere, tanquam species flagellatæ annonæ recensentur. Enimvero Ulpianus magis usitata facta substituit, coemptas merces suppressere & proprios fructus æquis pretiis vendere nolle, sed cur vendere nolle: quia minus uber proventus expectatur. Hæc loquitur textus & plura non loquitur, mentionem facit quidem avaritiæ, sed hoc te non turbet, exempli saltem loco allata est avaritia, sive ex cupiditate honoris, sive ex luxurie amore hic pecces, idem dicendum erit. Leges civiles enim interna curare ne queunt, quia hæc curare non est hominis, sed DEI. Nunc examina, quid Josephus egerit, non quidem ipse frumentum coemit, non suppressit proprium objicis, sed respondeo, dedit tamen Pharaoni consilium, an hoc tantum? imo non, sed rei frumentariæ se præfici passus, fideliter in actum consilium deduxit. Jam vero mihi cætera si paria sunt, videtur perinde esse, an ipse agam, an alium instigem, an alii agenti

auxilio adsum & similia. Sed inquis: Josephus hæc egit omnia, quia divinitus ipsi futuri temporis calamitas & annonæ scævitia prædicta erat, aut quid inde quæso? Hoc certe inde sequitur, ergo Josephus coemit, asservavit, quia annonæ mutationem præsciebat: alii Dardanarii coemunt, asservant, quia hanc credunt, quam differentiam hic gignent, scientia & opinio? An credis, Dardanarios, non empturos esse si certo scirent? Urges, Josephus monitus fuit a Numine. Respondetur Dardanarii libenter quoque hanc gratiam a Deo sibi expeterent, ut monerentur a numine, imminere annonæ caritatem, sed an meliores credis futuros, si moniti Dardanarii essent, instas: supprimunt, ut carius vendant, non ut tempore necessitatis aliis auxilio esse queant. Verum quid si Dardanarius quispiam hoc negaret & diceret bona se intentione frumenta coacervare, an dimitendum censes, nec ad vendendum cogendum? Credas, quod lubet, ego non credo. Addis Dardanarii omnia faciunt, quia expectant & desiderant annonæ caritatem, Josephus vero, quia sua sponte veniebat quam non desiderabat caritas, sed repete responsionem priorem & finge Dardanarium dicere, esse perpetuas rerum vicissitudines, se non optare sterilitatem, homines tamen esse impios peccata pœnas sequi. Satis intelligis quid dicere velim. Revoca in memoriam quæ §. 9. de modo vendendi disserui, an Dardanarius ergo non est, qui pecuniam, qui libertatem tempore caritatis extorquet, & si non est, quis demum erit? Bene agis quod objectione communissima superfedes, Josephum fuisse virum sanctum, hinc piaculum esse de ipsius facto disquirere. Hæc enim proferre non est amice disserere, sed terrere, non candide colloqui, sed frequenti quidem, verum pessimo exemplo argumentum ab invidia movere. De quo præclara lege apud limatissimi judicii Clericum in
logic.

logic. & elegans exemplum recentius in com. ad Pentateuch. locis ubi de Urim & Thumim exponit. Idcirco videtur ex duplici capite inter reos deferendum tandem Josephi nomen, quod suppresserit, quod rigido demum pretio vendiderit.

§. XII.

Ast ita videtur saltem, distincte nunc commonstrabo imputationis falsitatem. Quod crimen Dardanariatus attinet, ex supra dictis constat Josephum hujus accusari non posse, quia quod egit, autoritate, sui regis egit, adeoque Dardanariatum, civile crimen, seu quod demum ex vitio crimen per interdictum civile fit, non incurrit. Suo jure utique emit, qui vero hoc utitur nemini facit injuriam, quicunque affectus subsit. Docuit apprimè huc facientia Ulp. de puteo, quem aperio & quo aperto venæ putei vicini præcisæ sunt L. 24. §. ult. de damn. infect. Multo magis ergo superiori licebit insistere emptioni & coemptioni servationi & asservationi tanquam rei suæ. Inde enim Ulp. citat. text. probat fossorem putei vicino injuriam non facere, quod rei tuæ insisteret. Promisit utique Princeps se procurare velle salutem publicam, sed nunquam promissit, quod velit plane non uti jure proprio. Tenetur securiati prospicere, ut cives a civibus non turbentur & ne hostis improvisos occupet. Cur vero idem non ager, cur idem non agere potest, si commerciis se ingerit, si honestum lucrum quærit, etiam frumento? Jam vero hoc lucrum intelligi nequit si vili pretio non emas, si ampliore non vendas, modo alios ab emptione non arceat, modo pecunia non emungat innocentes. Sed habeo te inquis teneo te, sit ita, crimen non admiserit Joseph, violati tamen amoris reus est, secundum tradita, quid vero est simulate agere, si hoc non est. Durior sane videtur multis in humani quam injusti appellatio, miserum itaque te apologetam, qui hoc sal-

tim non illud a Josepho avertisti. Ergo ab inhumanitate alienum fuisse mihi ostendendum. Emit itaque Josephus esto frumentum, sed a quibus? ab Ægyptiis, qui hi? Resp. homines, quibus futura calamitas annuntiata quibus dictum, quem in usum fieret emptio. Sed isti sibi sapere visi audire nolebant, Nilum a multis retro seculis inundasse terram, hac tempestate nil novi verendum rati. Josephum hominem exoticum, transmarina sua sapientia gratiæ regis adrepere velle, se non posse felicius hominis vanitatem universo orbi deridendam dare, quam si frumentum ipsi venderent æquo pretio, brevi fore, ut idem cogatur viliorē vendere, aut ut tabe, aut putredine intererat. Mera & putida mendacia esse ipsius vaticinia, efficta in solum hunc usum quo debito eximeretur carceri, quo meritis solveretur vinculis. Tandem inquebant sapient Pharaon, licet serio cum Phrygiis, tandem discet vulgare proverbium intelligere, quod panis sit perditus; qui peregrino cani aut homini datur. Si quid timendum esset, cur non scirent magi, sophistæ, onirocritici, homines sane plurimum reverendi excellentissimi & experientissimi. Quid ergo agendum Josepho, an emendum frumentum, & asservandum? an dicendum Pharaoni, se hæc citra dānnum facere non posse, se esse mentitum, nullam annonæ caritatem venturam? An in gratiam hominum ipsius internecionem intendentium mentiri debebat? An regi intercipere lucrum, quod hac occasione acquirere poterat, & quidem tali regi, quem ritem, quem gratum esse re ipsa expertus erat, quem innocentiam defendere proprio exemplo didicerat. Crudele fuisset cum maxima regis ignominia revocare in dubium, quæ ante jussu ipsius suscepta erant. Impium fuisset divinæ misericordiæ reluctari voluisse, quæ secundum ineffabilem suam gratiam futuram pœnam, quo minus affligeret, quo tanquam prævisa minus noceret indicave-

rat.

rat. Itaque inter sacrum & saxum veluti constitutus sanctissimus noster Josephus, egit, quod omittere non poterat, non in sinu gaudebat impiorum more, quod ingens lucrum capere posset, sed contristabatur, quod Ægypti noscere nolebant, quæ e re sua essent. Non tacebat imminentem siccitatem terræ & annonæ caritatem, quæ itidem pessima improborum consuetudo est, quod de instanti periculo alios non admoneant, sed palam pro concione adstante rege, adstante multitudine Hebræi & solius veri DEI præscientiam laudabat, voluntatem significabat. Imitentur hoc quotquot sunt Dardanarii, quotquot dantur hirudines e sanguine proximi sui vivere cupientes. Accedit, quod Josephus non propriam utilitatem quæreretur, non offerebat enim ingentem pecuniæ summam pro conductione rei frumentariæ, prout in similibus negotiis hodie ammodiatores & publicani facere solent. Dubium tibi adhuc restat circa venditionem, quæ tantum non Machiavellistica videtur, ut problema utrum Josephus fuerit Machiavellista, æque distinctam Dissertationem poscere existimes, quam problema præsens, utrum Josephus fuerit Dardanarius. In præsentiarum pauca cape. Nolumus disputare, an Machiavellicæ philosophiæ sectator fuerit nec ne, cæteroquin enim opus foret, perspicue ostendere, quid proprie docuerit Machiavellus, neque enim interpretes Langenhert, Conring &c. ex asse nobis satisfecerunt. Præstat itaque simpliciter demonstrare, ne sic quidem in justitiæ vel amoris regulas impegisse Josephum, justitia vult, ut suum cuique tribuatur, ut sine pretio vendas non exigit, sed secundum communem doctrinam in contractibus onerosis exigit æqualitatem, igitur circa illum facile convenimus. De amore difficilior videtur inspectio dicitur in sacris: *Brich den Hungri-zen dein Brod.* Imo salvator noster sancte promittit, quod vel pateræ aqua repleta oblationem pensaturus sit. Atta-

men duplex suppetit ad hæc responsio. Liberalitatem exercere jubemur de propriis, non de iis quæ sunt alterius, secundum vulgatam enim parcemiam laudem non meretur, qui furatur corium quo pauperibus calceos gratis conficere queat. Frumentum, quod vendebatur, non erat Josephi, sed regis, præpositus erat, non ut donaret, sed ut venderet, omnis occasio benefaciendi ipsi quidem non erat præcisa, neque credendum quod ullam neglexerit. Consilium dederat Pharaoni non improbandum, quomodo necessitati consulendum esset, vendendi modus pro re nata variabat. Porro quid tandem lucro Pharaonis cessit? Rides forte & multa cessisse dicis argentum, pecora, agros, & ipsam libertatem. Sed an ne iniquum ut qui argentum habet, illud pro emptione necessariarum rerum expendat? Respondebis quod non, esse enim naturale venditionis. Itaque quærendo pergo, an pecora macilenta, quibus alias pereundum accipere pro frumento iniqua res est? An credis pecora sub conditione non fuisse reddita? An agri non statim redditus impositis saltim duplicibus decimis, re sane admodum levi, si fertilitatem supra e Plinio descriptam consideras. Erat potius beneficii species, quod rex majora tributa frumento redimeret, non gratis exigeret, meditare si plater, statum modernum Turcarum & Gallorum, An offert rex aliquid, quoties onera multiplicat, quoties novum vectigalis genus excogitat? Ultimum tamen omnium maxime te torquet ni fallor, quod libertate cedendum fuerit. Sed annon homo, qui pecoribus suis sub certa lege fruitur, qui e frugibus centesimis vicesimos regi solvit octogesos sibi reservat, satis liber est. An subditus est ens secundum tuam philosophiam, quod quælibet audere potest? An eadem libertas rusticorum nostrorum quæ principis. Annon Samuel dixit Israelitas futuros suorum regum servos? Ecquæ est tua servitutis definitio? Enimvero video